

ՈՂՋԻ ԳԵՏԻ ՀԻՆ ՀԱՅԿԱԿԱՆ ԱՆՈՒՆԸ

Ա. 2. ՂԱՐԱԳՑՈՋՅԱՆ

Ողջին պատմական Սյունիքի առավել նշանավոր գետերից է: Այն սկիզբ է առնում Կապուտջուղ լեռան արևելյան լանջից և հոսելով անդնդախոր ձորերով ու կիրճերով, ընթանում է դեպի արևելք, ճանապարհին՝ իր մեջ ընդունելով՝ ձախ կողմից Գեղի, Աճանան, աջ կողմից՝ Վաչագան, Գեղանուշ, Ծակատեն գետերը և մի շարք մեծ ու փոքր վտակներ, որից հետո Ղափան քաղաքից 4 կմ արևելք կոր աղեղ գծելով թեքվում է դեպի հարավ և հոսելով Զանգեղանի դաշտով, թափվում Արաքսի մեջ: Մատենագրական տեղեկություններ գետի անվան վերաբերյալ չեն պահպանվել, իսկ գետի Ողջի անունը համեմատաբար նոր շրջանից է գալիս: Այն առաջացել է Ողջի կամ Ողջանց գյուղի անունից¹:

Գետի անվանը անդրադարձողները այն հիշատակում են տարբեր անուններով: Այսպես, Բաֆֆու «Դավիթ բեկ» վեպում կոչվում է Հալիձորի գետ², Կ. Շահնազարյանի «Սիւնիք» ուսումնասիրության մեջ՝ Բաղաբերդ. «Բ Բաղաբերդէ իջանէ գետն Բաղաբերդի որ քերեալ զԿապանաւ և Հալիձորով վազէ ի Հազարի»³:

Լ. Սարգսյանը այն հիշատակում է, որպես «... Կապանի կամ Զավնդուր գետ»⁴, Ղ. Ալիշանը Կապանի գետ է անվանում Ողջիի վերին հոսանքը, իսկ ստորինը՝ Զավնդուր⁵: Սակայն նա ցանկանալով ճշտել, թե Ստ. Օրբելյանի հիշատակած Աղավնի գետը⁶ Սյունյաց աշխարհի որ գետն է, արել է միմյանց հակասող ենթադրություններ: Մի դեպքում նա գրում է. «Բազում հաւանութեամբ արեւելյան Բաղաց մասն է և ստորին գետահովիտ Զաւնդուրի, որում ի դէպ գան բանք պատմչին Սիւնեաց և հիշեալն ի նոսին Աղանի գետ...»⁷ կամ՝ «Ըստ այսմ, եթէ ոչ խաբիմ, տեղի նախկորդանի ի դէպ գայ արեւմտյան Մինձեւանի, համարելով միշտ Աղանոյ գետ զԶավնդուր»⁸: Մեկ այլ առիթով գրում է. «Յեռից թեւոց զուգի գետս այս, Աղանոյ կամ Հազարու (կամ Ազարակու), որոց արեւելեանն և գլխաւոր ի սահմանակցութեան Արցախոյ՝ է բնիկն Ազարու գետ, Հաքարա-չայ կոչեցեալ յայլաղգեաց...»⁹, «Սիսականին» կցված քարտեզում ևս Աղավնի է կոչվում Հազարին¹⁰:

1 Ղ. Ալիշան, Սիսական, Վենետիկ, 1893, էջ 293:

2 Բաֆֆի, Դավիթ բեկ, Երևան, 1962, էջ 427:

3 Կ. Շահնազարյան, Սիւնիք («Ստեփաննոս Օրբելեան, Պատմութիւն նահանգին Սիսական», հ. Ա, Փարիզ, 1859, էջ 12): Ըստ Կ. Շահնազարյանի Ողջին թափվում է Հազարի գետը:

4 Լ. Սարգսյան, Մի քանի օր Արցախում և Սյունիքում, Թիֆլիզ, 1905, էջ 75:

5 Ղ. Ալիշան, նշվ. աշխ., էջ 290, 293:

6 Ստեփաննոս Օրբելյան, նշվ. աշխ., հ. Ա, էջ 122, 128, հ. Բ, էջ 54, 234, 235:

7 Ղ. Ալիշան, նշվ. աշխ., էջ 283:

8 Նույն տեղում, էջ 285:

9 Նույն տեղում, էջ 285:

10 Նույն տեղում, տես քարտեզը:

Ինչպես տեսնում ենք, Ղ. Ալիշանը մեկ հակված է Աղավնի գետ համարել Ողջին, մեկ՝ Հագարին: Վերջինս հայտնի է, որ «... սկիզբ է առնում Գեղլուխ սարերից, հոսում է դեպի հարավ-արևելք և միանալով Բարկուշատ գետին, թափվում է Արաքսի մեջ»¹¹, որը և համապատասխանում է Աղավնի գետին¹²: Ուսումնասիրողների կողմից հիշատակվող Ողջի գետի վերոհիշյալ անունները ուշ շրջանի են և ոչինչ չեն ասում նրա հին հայկական անվան մասին: Միակ աղբյուրը, որը կարող է այդ հարցը լուսաբանել (այն էլ ոչ լրիվ), մեր կարծիքով, «Աշխարհացոյց»-ն է: Նրա հեղինակը թվարկելով Սյունիքի տասներկու գավառները, գրում է. «... հոմանուն գետովք մինչև ցնակորգեան քաղաք և անցան իւր և Աղուան գետ»¹³: Այս վկայությամբ համաձայն Սյունիքի գետերը կրել են իրենց գավառների անունները:

Եթե նկատի ունենանք, որ Ողջին VII դ. հոսում էր Ձորք, Բաղք, Կովսական գավառների միջով¹⁴, ապա պետք է ենթադրել, որ դրանց միջով հոսող գետի համապատասխան հատվածները կրել են այդ գավառների անունները: Այսինքն՝ Ողջի գետի վերին հոսանքը, որն անցել է Ձորք գավառի միջով, կոչվել է Ձորո գետ, միջինը՝ Բաղաց, իսկ ստորինը՝ Կովսական: Պետք է ենթադրել, որ «Աշխարհացոյց»-ի հեղինակը նկատի է ունեցել Սյունյաց աշխարհի խոշոր գետերը, հետևաբար, բացառվում է, որ Ողջի գետի այս կամ այն վտակը կամ այդ գավառների մեջ մտնող մեկ այլ գետ կարող էր կոչվել նշված գավառների անուններով:

Այն, որ Ողջի գետի վերոհիշյալ հատվածը կրել է Բաղաց գետ անունը, կարելի է հիմնավորել նաև նրանով, որ հենց այդ մասերում գոյություն ունեն տեղանուններ, որոնք կրում են միևնույն անվան տարբերակները և, հավանաբար, ունեն միևնույն էթնիկական ծագումը: Դրանք են՝ Բաղաբերդ ամրոցը, Բաղակու քարը, վանքն ու բերդը, Բաղաբուրջ և Բաղաջըզ գյուղերը¹⁵, Գոյուխյուն է. ունեցել նաև Բաղաբերդ անունով գյուղ, որը մտնում էր Ձորք գավառի մեջ¹⁶: Այս տեղանունների աշխարհագրական դիրքը վկայում է, որ Սյունիքում պատմական Բաղ ցեղի գրաված շրջանը, որից առաջացել են այս անվանումները, հիմնականում եղել է Ողջի գետի հովիտը¹⁷:

11 Թ. Խ. Հակոբյան, Սյունիքի թագավորությունը, Երևան, 1966, էջ 15:

12 Ս. Ս. Երեմյան, Հայաստանը ըստ «Աշխարհացոյց»-ի, Երևան, 1963, էջ 34, Թ. Խ. Հակոբյան, նշվ., աշխ., էջ 14:

13 Ս. Ս. Երեմյան, նշվ. աշխ., էջ 109:

14 Նույն տեղում, տես քարտեզը:

15 Թ. Խ. Հակոբյան, նշվ. աշխ., էջ 112—113:

16 Ստեփանոս Օրբելյան, նշվ. աշխ., էջ 272:

17 Ըստ Գ. Ա. Ղափանցյանի՝ խեթական սեպագիր արձանագրություններից հայտնի pala (պալա) կամ bala (բալա) ժողովուրդը, որը ապրում էր խեթերից արևելք ընկած շրջաններում VIII—VII դդ. հետո, կիմերների և այլ ցեղերի ճնշման տակ թողնելով իրենց երկիրը, գաղթել են արևելք: Ցնդային այս տեղաշարժերի հետևանքով նրանց մի մասը հաստատվել է այժմյան Զանգեզուրում, որոնցից և առաջացել են Բաղք գավառ, Բաղաց աշխարհ, Բաղաց տուն, Բաղաց երկիր, Բաղաբերդ, Բաղակու ամրոց անվանումները (Г р. Ка п а н ц я н, Историко-лингвистическое значение топонимии древней Армении, Ереван, 1940, էջ 66—68): Եթե նույնիսկ ընդունելի լինի այս ենթադրությունը, կարելի է ասել, որ բաղա հիմքով կազմված անունները ցույց են տալիս, որ այնտեղ տարածված է եղել համանուն ցեղը: Իսկ որ այդ անունները ունեն էթնիկական ծագում, չեն ժխտում նաև մյուս ուսումնասիրողները (И. Шопен, Исторический памятник состояния Армянской области а эпоху ее присоединения к

Այսպիսով, շատ հավանական է, որ Ողջի գետի հին հայկական անունը Լղած լինի Բաղաց գետ¹⁸ և միայն հետագայում, երբ որպես վարչական միավորներ առաջացան գավառները, հավանաբար, այդ անունը պահպանվեց գետի այն հատվածում, որը VII դ. մտնում էր Բաղք գավառի մեջ:

ДРЕВНЕАРМЯНСКОЕ НАЗВАНИЕ РЕКИ ВОХЧИ

А. А. КАРАГЕЗЯН

Р е з ю м е

Название реки Вохчи повое. Единственный источник, который позволяет нам уточнить древнее название реки, это «Армянская география VII века». Персчисляя названия 12 уездов Сюника, автор вышеуказанной работы отмечает, что реки в Сюнике назывались так же, как уезды, через которые они протекали. Так как верхнее течение реки протекало через уезд Дзорг, среднее течение — уезд Бахк, а нижнее — Ковсакан, то отсюда следует, что верхнее течение реки должно было называться Дзоро гет, среднее — Бахац гет, а нижнее — Ковсакан. Если учесть то обстоятельство, что в древности в бассейне реки Вохчи имелись населенные пункты, в названии которых присутствовал корень «бах» (բաղ), и они имеют этническое происхождение, например, Бахаберд (село и крепость), Бахаку кар (храм и крепость), Бахабурдж и Бахаджих (села) и т. д., то становится ясным, что река Вохчи в древности называлась Бахац гет.

Российской империи, СПб., 1852, էջ 67, Н. А д о н ц, Армения в эпоху Юстиниана, Ереван, 1971, էջ 423, Թ. Խ. Հ ա կ ո բ յ ա ն, նշվ. աշխ., էջ 166):

¹⁸ Ուշադրութեան արժանի է այն հանգամանքը, որ Ողջի գետի աջակողմյան վտակներից մեկը կոչվում է Բաղաց ջուր: Այն սկսվում է Բաղաց սարի արևմտյան լանջից և հոսելով Ղափանի շրջանի Մուսալամ գյուղի մոտով, թափվում է Ողջին: Այս վտակը հազիվ թե կարելի է գետ համարել, քանի որ այն սոսկ յեղնային մի առվակ է: